



黃震曰班氏以外戚列匈奴之後非以漢世外戚之禍慘于匈奴歟既復以孝元皇后別為之傳即繼之以王莽而漢事終焉吁亦可悲矣隆按此叙仍史記原文揭一命字立論以後段段暗應

漢書評林卷之九十七

吳興後學凌稚隆輯校

外戚傳第六十七上

自古受命帝王及繼體守文之君師古曰繼體謂嗣位也守文言遵成

法不用武功也非獨內德茂也蓋亦有外戚之助焉夏之興

也以塗山師古曰禹娶塗山氏之女而生啓也而桀之放也用妹喜師古曰妹喜桀之妃有施氏之女也美於色薄於德女子

行丈夫心桀常置妹喜於膝上聽用其言昏亂失道

於是湯伐之遂放桀與妹喜死於南巢殷之興也以有妲及有嬖師古曰有

妲師古曰妲已紂之妃有蘇氏女也美好辯辭而紂之滅也

嬖師古曰嬖已紂之妃有蘇氏女也美好辯辭已與於姦宄幸於紂紂用其言毒虐衆庶於

殷致天之罰斬妲已頭縣之於小白旗以為紂之亡

者由此周之興也以姜嫄及太任太姒師古曰姜嫄有邵氏之女

帝嚳之妃也履大人迹而生后稷為周始祖太任文王母太姒武王母也嫄音原而幽王之

禽也淫褻似師古曰謂黜申后而致大戎舉偽烽而諸侯莫救也故易基乾坤

詩首關雎書美釐降師古曰釐理也尚書堯典稱舜之美女云釐降二女于媯汭言堯

欲觀舜治迹以已二女妻之舜能治降下二女以成其德春秋譏不親迎師古曰春秋

秋公羊經隱二年紀履須來逆女傳曰外逆女不書此何以書譏也何譏爾始不親迎也夫婦之

際人道之大倫也師古曰倫理也禮之用唯婚姻為兢兢師古曰兢兢

戒慎也夫樂調而四時和陰陽之變萬物之統也可

不慎與人能弘道末如命何甚哉妃匹之愛君不能

得之臣父不能得之子況卑下乎師古曰言雖君父之尊不能奪其所

隆按漢典以下班氏紀后宮爵位綴于叙之尾云

好而移其本意既驩合矣或不能成子姓師古曰姓生也成子姓矣

而不能要其終豈非命也哉孔子罕言命蓋難言之

非通幽明之變惡能識乎性命漢興因秦之稱號帝

母稱皇太后祖母稱太皇太后適稱皇后師古曰適讀曰嫡后

亦君也天曰皇天地曰后土故妾皆稱夫人又有美

人良人八子七子長使少使之號焉師古曰良善也八七祿秩之差

也長使少使主供使者至武帝制健仔姪娥俗華充依各有爵

位師古曰健言接幸於上也仔美稱也姪娥皆美貌也俗俗猶言奕奕也便習之意也充依言充後庭

而依秩序也健音接仔音予字或從女其音同耳姪音五經反俗音容而元帝加昭儀

之號師古曰昭顯其儀示隆重也凡十四等云師古曰除皇后自昭儀以下至秩百

漢書卷九十三

隆按如淳注汲黯傳亦曰諸侯相秩真二千石月得百五十斛而百官表乃無此秩此不可曉

石十昭儀位視丞相爵比諸侯王健仔視上卿比列

侯。姪娥視中二千石比關內侯師古曰中二千石實得二千石也中之言

滿也月得百八十斛是為一歲凡得二千一百六十石言二千者舉成數耳俗華視真二

千石比大上造師古曰真二千石月得百五十斛一歲凡得一千

爵美人視二千石比少上造師古曰二千石月得百

四百四十五石耳少師古曰中更

八子視千石比中更師古曰中更

充依視千石比左更師古曰左更

視八百石比右庶長師古曰右庶長

左庶長師古曰左庶長

長使視六百石比五大夫師古曰五大夫

少使視四百石比公乘師古曰公乘

五官視三

百石師古曰五官所掌

靈保林良使夜者皆視百石師古曰治繫也無治言

職夜事令音力成反

上家人子中家人子視有秩斗食云師古曰家人子者言采擇良家子以入宮未有職號但稱家人子也斗食謂佐史也謂之斗食者言一歲不滿百石

五官以下葬司馬門外服虔曰陵上

高祖呂皇后父呂公單父人也師古曰單音善父音甫

高祖微時呂公見而異之乃以女妻高祖生惠帝魯

元公主高祖為漢王元年封呂公為臨泗侯二年立

孝惠為太子後漢王得定陶戚姬愛幸生趙隱王如

隆按呂皇后張皇后兩傳俱本史記呂后本紀與外戚世家而輻輳之

隆按先提太子為仁弱為下文護趙王哭戚夫人張本提呂后為人剛毅為下文鳩趙王殺戚夫人張本

隆按呂后殺戚夫人鳩趙王此序所謂成子姓

意太子為人仁弱高祖以為不類已常欲廢之而立如意如意類我戚姬常從上之關東日夜啼泣欲立其子呂后年長常留守希見益疏如意且立為趙王留長安幾代太子者數師古曰幾音鉅依反數音所角反賴公卿大臣爭之及叔孫通諫用留侯之策得無易呂后為人剛毅佐高帝定天下兄二人皆為列將從征伐長兄澤為周呂侯次兄釋之為建成侯逮高祖而侯者三人高祖四年臨泗侯呂公薨高祖崩惠帝立呂后為皇太后廼令永巷囚戚夫人髡鉗衣赭衣令舂戚夫人舂且歌曰子為王母為虜終日舂薄暮常與死為

矣而不能要其終暗與命字相應

伍師古曰與死罪者為伍也相離三千里當誰使告女師古曰汝此太后聞之大怒曰乃欲倚女子邪師古曰汝乃亦汝乃召

盧舜治曰讀呂后傳嘗怪其鴆趙王如意人痛戚夫人矣及其後于霸上也過

趙王誅之使者三反趙相周昌不遣太后召趙相相徵至長安使人復召趙王王來惠帝慈仁知太后怒自迎趙王霸上入宮挾與起居飲食數月帝晨出射趙王不能蚤起太后伺其獨居使人持鴆飲之遲帝

根道見言狗撒其腋因病腋而前五行志以為天禍予則曰此殆人禍歟

還趙王死師古曰遲音直二反解在高紀太后遂斷戚夫人手足去眼熏耳飲瘖藥師古曰去其眼精以藥熏耳令聾也瘖不能言也以瘖藥飲之也飲音於

禁反瘖音使居鞠域中師古曰鞠域如蹋鞠之域謂窟室也鞠音巨六反名

曰人彘居數月廼召惠帝視人彘帝視而問知其戚

李德裕曰楊子雲美辟彊之覺陳平非也若以童子膚敏善辯呂氏之情奇之可也若以反道合權以安社稷不其恃哉投其產祿幾危劉氏皆因辟彊啓之向使留侯而在必為戮矣隆按其哭迺京與上哭而泣不下相應

梁潛曰高帝豈不知毒流至此哉說者謂良平之教高帝往往於心小以就大晉獻之驪姬秦皇之扶蘇高帝審之父矣然獨恨高帝之剛明有所未盡者幸於糟糠之愛而忽滅宗之禍乃拳拳然屬周勃以安劉置周昌以重趙所謂滔天之執已成乃欲以一手障之吁何益哉隆按漢祚卒移外戚由朝廷尊寵之過制以故每傳必書為列

夫人迺大哭因病歲餘不能起使人請太后曰此非人所為臣為太后子終不能復治天下師古曰今太子然以此日飲為淫樂不聽政七年而崩太后發喪哭而泣不下師古曰泣謂淚也留侯子張辟彊為侍中年十五謂丞相陳平曰太后獨有帝今哭而不悲君知其解未師古曰解猶解說其意陳平曰何解辟彊曰帝無壯子太后畏君等今請拜呂台呂產為將將兵居南北軍及諸呂皆官居中用事如此則太后心安君等幸脫禍矣丞相如辟彊計請之太后說其哭迺哀呂氏權由此起迺立孝惠後宮子為帝太后臨朝稱制復殺高

祖子趙幽王友共王恢師古曰共讀曰恭及燕靈王建遂立周呂侯子台為呂王台弟產為梁王建城侯釋之子祿為趙王台子通為燕王又封諸呂凡六人皆為列侯追尊父呂公為呂宣王兄周呂侯為悼武王太后持天下八年病大禍而崩語在五行志病困以趙王祿為上將軍居北軍梁王產為相國居南軍戒產祿曰高祖與大臣約非劉氏王者天下共擊之今王呂氏大臣不平我即崩恐其為變必據兵衛宮慎毋送喪為人所制太后崩太尉周勃丞相陳平朱虛侯劉章等共誅產祿悉捕諸呂男女無少長皆斬之而迎

侯若干人數史
氏蓋有微意云

隆按萬方終無
子即叙所謂既
離合矣或不能
成子姓也亦暗
應一命字

立代王是為孝文皇帝。

孝惠張皇后宣平侯敖尚帝姊魯元公主有女惠帝

即位呂太后欲為重親以公主女配帝為皇后欲其

生子萬方終無子迺使陽為有身取後宮美人子名

之師古曰名殺其母立所名子為太子惠帝崩太子

立為帝四年迺自知非皇后所出言曰太后安能殺

吾母而名我我壯即為所為師古曰為其所為謂所

太后聞而患之恐其作亂迺幽之永巷言帝病甚左

右莫得見太后下詔廢之語在高后紀遂幽死更立

恒山王弘為皇帝而以呂祿女為皇后欲連根固本

王維楨曰然而
無益也句叙事
中斷語冷而有
味

牢甚師古曰然而無益也呂太后崩大臣正之卒滅

呂氏少帝恒山淮南濟川王皆以非孝惠子誅獨置

孝惠皇后廢處北宮師古曰置留也北孝文後元年

薨葬安陵不起墳

高祖薄姬文帝母也父吳人秦時與故魏王宗女魏

媼通生薄姬而薄姬父死山陰因葬焉師古曰山及

諸侯畔秦魏豹立為王而魏媼內其女於魏宮許負

相薄姬當生天子是時項羽方與漢王相距滎陽天

下未有所定豹初與漢擊楚及聞許負言心喜因背

漢而中立與楚連和師古曰自謂漢使曹參等虜魏

隆按薄姬以下
五傳本史記文
而益損之

隆按此兩美人者故相與咲薄姬初約以起漢王之問此正不相忘處又按相生天子夢龍據胸皆暗應叙中命字而以希見故得出從代而不見戮于呂后亦不可謂非命也此史氏微言當于言外得之

王豹以其國為郡而薄姬輸織室豹已死漢王入織室見薄姬有詔內後宮歲餘不得幸始姬少時與管夫人趙子兒相愛約曰先貴母相忘已而管夫人趙子兒先幸漢王漢王四年坐河南成臯靈臺此兩美人侍相與笑薄姬初時約漢王問其故兩人俱以實告漢王心悽然憐薄姬是日召欲幸之對曰昨暮夢龍據妾脅上曰是貴徵也吾為汝成之遂幸有身歲中生文帝年八歲立為代王自有子後希見高祖崩諸幸姬戚夫人之屬呂后怒皆幽之不得出宮而薄姬以希見故得出從子之代為代太后太后弟薄昭

凌迪知曰迎立代王乃以薄氏仁善故即上殿之與以有娥一段意

從如代師古曰如往也代王立十七年高后崩大臣議立後疾外家呂氏彊暴皆稱薄氏仁善故迎立代王為皇帝尊太后為皇太后封弟昭為軹侯師古曰軹音只太后母亦前死葬櫟陽北廼追尊太后父為靈文侯會稽郡致園邑三百家長丞以下使奉守寢廟上食祠如法櫟陽亦置靈文夫人園令如靈文侯園儀太后蚤失父其奉太后外家魏氏有力師古曰言太后為外家所養也廼召復魏氏師古曰優復之也賞賜各以親疏受之薄氏侯者一人太后後文帝二歲孝景前二年崩師古曰言文帝崩後二歲太后乃崩葬南陵師古曰薄太后陵在霸陵之南故稱南陵即今所謂薄陵用呂后不合葬

長陵師古曰以呂后是正嫡故薄不得合葬也故特自起陵近文帝。

孝文竇皇后景帝母也。呂太后時以良家子選入宮。

太后出宮人以賜諸王各五人。竇姬與在行中。家在

清河。願如趙近家。請其主遣宦者吏。必置我籍。趙之

伍中。師古曰主遣宦者吏謂宦者為吏而主發遣宦官人者也籍謂名簿也伍猶列也宦者忘

之誤置籍代伍中。籍奏詔可。當行。竇姬涕泣怨其宦

者不欲往。相彊迺肯行。至代代王獨幸竇姬。生女嫫

音匹昭反。師古曰嫫音匹昭反。孝惠七年。生景帝。代王王后生四男。先代

王未入立為帝。而王后卒。及代王為帝後。王后所生

四男更病死。文帝立數月。公卿請立太子。而竇姬男

茅坤曰叙次曲而纖悉隆按王后生四男更病死是字所謂成子姓矣

而不能要其終亦暗應一命字

最長。立為太子。竇姬為皇后。女為館陶長公主。明年

封少子武為代王。後徙梁。師古曰初封代王後更為梁王是為梁孝

王。竇皇后親蚤卒。葬觀津。師古曰觀津清河之縣也觀音工喚反於是

薄太后迺詔有司。追封竇后父為安成侯。母曰安成

夫人。令清河置園邑二百家。長承奉守。比靈文園法。

竇后兄長君弟廣國。字少君。年四五歲時。家貧為人

所略賣。其家不知處。傳十餘家。至宜陽。為其主人入

山作炭。暮臥岸下。百餘人。岸崩。盡厭殺臥者。師古曰厭音一

甲少君獨脫不死。自卜數日。當為侯。從其家之長安。

師古曰從其主家也聞皇后新立。家在觀津。姓竇氏。廣國去時

陰按少君脫岸崩之厄又卜數日當為侯亦暗應叙中命字又按聞皇后家在觀津與上其

雖少識其縣名及姓。又嘗與其姊采桑墮。師古曰墮謂墮樹

用為符信。上書自陳。皇后言帝召見問之。具言其故。

果是復問其所識。師古曰識記也音式志反曰姊去我西時。與我

決傳舍中。句沐沐我。已飯我。乃去。師古曰乞沐具而為之沐沐訖又飯

食之於是竇皇后持之而泣。侍御左右皆悲。迺厚賜

之家於長安。絳侯灌將軍等曰吾屬不死命。乃且縣

此兩人。師古曰恐其後擅權則將相大臣當被害此兩人所出微。不可不

為擇師傅。又復放呂氏。大事也。師古曰放音甫往反於是乃選

長者之有節行者與居。竇長君少君由此為退讓。君

子不敢以富貴驕人。竇皇后疾失明。文帝幸邯鄲。慎

徐中行曰早建太子教養外戚雖有所懲實為國家不易之法

夫人尹姬皆無子。文帝崩。景帝立。皇后為皇太后。乃

封廣國為章武侯。長君先死。封其子彭祖為南皮侯。

吳楚反時。太后從昆弟子竇嬰。俠喜士。為大將軍。破

吳楚。封魏其侯。竇氏侯者凡三人。竇太后好黃帝老

子言。景帝及諸竇不得不讀老子尊其術。太后後景

帝六歲。凡立五十一年。元光六年崩。師古曰武紀建元六年太皇太

后崩此傳云後景帝六歲是也而以建元為元光則

是參錯又當言凡立四十五年而云五十一再三乖

此傳誤合葬霸陵。遺詔盡以東宮金錢財物賜長公

主嫖。師古曰東宮太后所居至武帝時。魏其侯竇嬰為丞相。後

誅

隆按無寵見廢語在王皇后傳

孝景薄皇后。孝文薄太后家女也。景帝為太子時，薄太后取以為太子妃。景帝立，立薄妃為皇后，無子。無寵。立六年，薄太后崩，皇后廢。廢後四年，薨葬長安城東平望亭南。

孝景王皇后，武帝母也。父王仲槐，里人也。母臧兒，故燕王臧荼孫也。為仲妻，生男信與兩女。而仲死，臧兒更嫁為長陵田氏婦，生男蚡，勝，臧兒長女嫁為金王孫婦，生一女矣。而臧兒卜筮曰：兩女當貴，欲倚兩女。師古曰：冀，且貴，而依倚之。得尊寵也。倚音於綺反。奪金氏，金氏怒不肯與決，乃內太子宮。太子幸愛之，生三女一男，男方在身時

隆按卜筮當貴夢日入懷俱暗應命字又按是時以下一段波及栗姬

王夫人夢日入其懷，以告太子。太子曰：此貴徵也。未生而文帝崩，景帝即位。王夫人生男，是時薄皇后無子。後數歲，景帝立齊栗姬男為太子，而王夫人男為膠東王。長公主嫖有女，欲與太子為妃，栗姬妬而景帝諸美人皆因長公主見得貴幸。栗姬日怨怒，謝長主不許。長主欲與王夫人，王夫人許之。會薄皇后廢，長公主日譖栗姬短。景帝嘗屬諸姬子曰：師古曰：諸所生之子也。吾百歲後善視之。栗姬怒不肯應，言不遜。景帝心銜之而未發也。長公主日譽王夫人男之美，帝亦自賢之。又耳曩者所夢日符。師古曰：耳常聽聞而記之也。符猶瑞應。

呂祖謙曰利之所激深宮之女皆儀秦也
茅坤曰即晉驪姬故智

隆按後女弟兒姁亦復入應上兩女當貴句

茅坤曰三嫁之家而更相侯古以來所無之事又曰平原君母后之外家也以得從田氏而附葬長陵亦古以來所無之事隆按初皇太后一段本褚先生文補入了金王孫生一女案茅坤曰此一段不如史記之詳而鳴咽

計未有所定王夫人又陰使人趣大臣立栗姬為皇后

大行奏事文曰子以母貴母以子貴今太子母號

宜為皇后帝怒曰是乃所當言邪師古曰乃汝也言此事非汝所當得

遂案誅大行而廢太子為臨江王栗姬愈恚不得

見以憂死卒立王夫人為皇后男為太子封皇后兄

信為蓋侯初皇后始入太子家後女弟兒姁亦復入

師古曰姁音許于反諸婦人之名字生四男兒姁蚤卒四子皆為王師古曰謂廣川惠王越膠東康王寄清河哀王乘常山憲王舜皇后長女為平陽公主

次南宮公主次隆慮公主師古曰慮音慮皇后立九年景帝

崩武帝即位為皇太后尊太后母臧兒為平原君封

田蚡為武安侯勝為周陽侯王氏田氏侯者凡三人

蓋侯信好酒田蚡勝貪巧於文辭蚡至丞相追尊王

仲為共侯師古曰共讀曰恭槐里起園邑二百家長丞奉守

及平原君薨從田氏葬長陵亦置園邑如共侯法初

皇太后微時所為金王孫生女俗在民間蓋諱之也

師古曰言隨俗而在閭巷未顯貴武帝始立韓嫣白之師古曰嫣音偃帝曰

何為不蚤言乃車駕自往迎之其家在長陵小市直

至其門使左右入求之家人驚恐女逃匿扶將出拜

帝下車立曰大姊何臧之深也載至長樂宮與俱謁

太后太后垂涕女亦悲泣帝奉酒前為壽錢千萬奴

隆按史記附陳
皇后始末于衛
皇后傳中班史
為立一傳是
又按十餘年而
無子亦應既誰
合美不能成子
姓句

婢三百人。公田百頃。申第以賜姊。太后謝曰：為帝費。因賜湯沐邑。號修成君。男女各一人。女嫁諸侯。男號修成子。仲以太后故。橫於京師。太后凡立二十五年。後景帝十五歲元朔三年崩。合葬陽陵。

孝武陳皇后長公主嫖女也。曾祖父陳嬰與項羽俱起。後歸漢為堂邑侯。傳子至孫午。午尚長公主。生女。初武帝得立為太子。長主有力。取主女為妃。及帝即位。立為皇后。擅寵驕貴十餘年而無子。聞衛子夫得幸。幾死者數焉。上愈怒。后又挾婦人媚道。頗覺元光五年。上遂窮治之。女子楚服等坐為皇后巫蠱祠祭。

盧舜治曰：后聞
司馬相如工為
文奉黃金百斤
為相如文君取
酒而相如獻后
長門賦以悟主
上后復得幸此
亦可以補傳之
後
隆按號字根微
字來

祝詛大逆無道。相連及誅者三百餘人。楚服梟首於市。使有司賜皇后策曰：皇后失序。惑於巫祝。師古曰：言失德義之序而妄祝詛也。不可以承天命。其上璽綬。罷退居長門宮。明年堂邑侯午薨。主男須嗣侯。主寡居私近董偃。十餘年。主薨。須坐淫亂。兄弟爭財。當死。自殺。國除。後數年。廢后乃薨。葬霸陵郎官亭東。

孝武衛皇后字子夫。生微也。其家號曰衛氏。出平陽侯邑。子夫為平陽主。謳者。師古曰：齊歌曰。謳音一侯反。武帝即位。

數年無子。平陽主求良家女十餘人。飾置家。帝後霸上。孟康曰：後除也。於霸水上。自後除。今三月上巳。祓禊也。師古曰：後音廢。禊音系。還過平陽。

主主見所侍美人師古曰侍儲侍也侍音丈紀反帝不說既飲謳者

進帝獨說子夫帝起更衣子夫侍尚衣師古曰尚主也時於軒中還坐驪甚賜平

侍帝權師古曰軒謂軒車也軒中得幸師古曰軒謂軒車也還坐驪甚賜平

陽主金千斤主因奏子夫送入宮子夫上車主拊其

背曰行矣師古曰拊謂摩循之也強飯勉之即貴願無

相忘入宮歲餘不復幸武帝擇宮人不中用者斥出

之子夫得見涕泣請出上憐之復幸遂有身尊寵召

其兄衛長君弟青侍中而子夫生三女元朔元年生

男據遂立為皇后先是衛長君死乃以青為將軍擊

匈奴有功封長平侯青二子在襁褓中皆為列侯及

隆按史氏于青去病封侯處曰有功曰亦以軍功見其封不以椒房故云

茅坤曰子夫本屬平陽主家誼者及子夫貴立為皇后而子夫弟青適得尚平陽主此古今來所無之事也漢朝婚姻無法度如此

隆按青尚平陽主史記載是時平陽主寡居一段詳甚

皇后姊子霍去病亦以軍功為冠軍侯至大司馬票

騎將軍青為大司馬大將軍衛氏支屬侯者五人青

還尚平陽主皇后立七年而男立為太子後色衰趙

之王夫人中山李夫人有寵皆蚤卒後有尹婕妤鉤

弋夫人更幸師古曰更互也音工衛反衛后立三十八年遭巫蠱

事起江充為姦太子懼不能自明遂與皇后共誅充

發兵兵敗太子亡走詔遣宗正劉長樂執金吾劉敢

奉策收皇后璽綬自殺黃門蘇文姚定漢輿置公車

今空舍盛以小棺瘞之城南桐柏師古曰瘞葬也桐柏亭名也瘞音於

反衛氏悉滅宣帝立乃改葬衛后追謚曰思后置園

例

邑三百家長丞周衛奉守焉。師古曰葬在社門外大道東以倡優雜伎千人樂其園故號千人聚

隆核史記附李夫人于衛皇后傳之尾僅數語

孝武李夫人本以倡進初夫人兄延年性知音善歌舞武帝愛之每為新聲變曲聞者莫不感動延年侍上起舞歌曰北方有佳人絕世而獨立一顧傾人城再顧傾人國寧不知傾城與傾國佳人難再得上嘆息曰善世豈有此人乎平陽主因言延年有女弟上乃召見之實妙麗善舞由是得幸生一男是為昌邑哀王李夫人少而蚤卒上憐閔焉圖畫其形於甘泉宮及衛思后廢後四年武帝崩大將軍霍光緣上雅

王棹曰追尊李夫人使配食此

霍光不學之過茅坤曰霍光稱市語何於帝之崩猶為曲媚如此

意以李夫人配食追上尊號曰孝武皇后初李夫人病篤上自臨候之夫人蒙被謝曰妾久寢病形貌毀壞不可以見帝願以王及兄弟為託上曰夫人病甚殆將不起一見我屬託王及兄弟豈不快哉夫人曰婦人貌不修飾不見君父妾不敢以燕媵見帝。師古曰媵與情同謂不嚴飾上曰夫人第一見我。師古曰第但也將加賜千金

而予兄弟尊官夫人曰尊官在帝不在一見上復言

欲必見之夫人遂轉鄉歛歛而不復言。師古曰轉面而鄉裏也歛

於是上不說而起夫人姊妹讓之曰貴人

獨不可一見上屬託兄弟邪何為恨上如此夫人曰

音虛歛音許既反

隆按史記封禪書云少翁見上上有所幸王夫人卒少翁以方夜至王夫人及竈岩之說今班史以此說置李夫人傳中則李夫人卒時少翁

所以不欲見帝者。乃欲以深託兄弟也。我以容貌之好。得從微賤。愛幸於上。夫以色事人者。色衰而愛弛。愛弛則恩絕。上所以孿孿顧念我者。乃以平生容貌也。今見我毀壞。顏色非故。必畏惡。吐弃我。意尚肯復追思。閱錄其兄弟哉。及夫人卒。上以后禮葬焉。其後上以夫人兄李廣利為貳師將軍。封海西侯。延年為協律都尉。上思念李夫人不已。方士齊人少翁言能致其神。迺夜張燈燭。設帷帳。陳酒肉。而令上居他帳。遙望見好女。如李夫人之貌。還幄坐而步。師古曰。夫人之神於幄中坐。又出而徐步。又不得就視。上愈益相思悲感。為作詩曰。

死已久矣。益漢書誤爾。

王世貞曰。漢武秋風一章。幾於九歌矣。思李夫人賦。長卿下子雲。上是耶非耶。二言精絕。茅坤曰。讀詩賦亦絕古今者之作。

是邪非邪。立而望之。偏何姍姍其來遲。師古曰。姍姍。行貌。音先安。

反。令樂府諸音家絃歌之上。又自為作賦。以傷悼夫

人。其辭曰。美連娟以脩嫵兮。師古曰。嫵。美也。連娟。嬾也。嫵音互。娟音一。全。

反。命櫟絕而不長。師古曰。櫟。截也。音子小。反。飾新宮以延貯兮。泯

不歸乎故鄉。師古曰。新宮。待神之處。貯。與。慘鬱鬱其

蕪穢兮。隱處幽而懷傷。釋輿馬於山椒兮。奄脩夜之

不陽。孟康曰。山椒。山陵也。置輿馬於山陵也。師古曰。自慘鬱鬱。以下皆言夫人身處墳墓而隱翳也。

脩長也。秋氣憊以淒淚兮。桂枝落而銷亡。師古曰。淒。陽明也。淒。寒涼之。

意也。桂秋芳香亦喻夫人。神煢煢以遙思兮。精浮游

而出。曷託沈陰以曠久兮。惜蕃華之未央。師古曰。沈。陰言在地。

下也。擴與曠同。未央猶未半也。言年歲未半而早落蕃華，故痛惜之。蕃音扶元反。念窮極之

不還兮，惟幼眇之相羊。師古曰：惟思也。幼眇猶窈窕也。相羊，翱翔也。幼音一小反。

相音襄。函菱莢以俟風兮，芳雜襲以彌章。李奇曰：莢音敷。孟康曰：菱音敷。綴以待風也。師古曰：雜襲重積也。的容與以猗

靡兮，縹飄姚庾愈莊。孟康曰：言夫人之顏色的然盛美，雖在風中縹飄姚愈益端嚴也。

師古曰：縹音匹，妙反。燕淫行而撫楹兮，連流視而娥揚。師古曰：生歡宴之時也。娥揚揚其娥眉。

既激感而心逐兮，包紅顏而弗明。師古曰：心逐者，帝自言中心追逐，夫人不能已也。包紅顏者，言在墳墓之中不可見也。驩接押以

離別兮，宵寤夢之芒芒。師古曰：言絕接押之權而遂離別也。宵夜也。芒芒無知之貌。

忽遷化而不反兮，魄放逸以飛揚。何靈魂之紛紛也。

今哀衰回以躊躇。師古曰：躊躇，住足也。躊音躊，躇合韻音丈，預反。執路日以

遠兮，遂荒忽而辭去。師古曰：荒音呼，廣反。超兮西征，屑兮不見。師古曰：屑然疾意也。以日為喻，故言西征。

寢淫敞克，寂兮無音。師古曰：克音呼，廣反。古怙字。

恩若流波，怛兮在心。師古曰：流波言恩寵不絕也。怛，悼也。音丁曷反。亂曰：師古曰：亂理也。總佳俠函光隕朱榮兮。孟康曰：佳，埋賦中之意。

葺將安程兮。師古曰：言嫉妬闖葺之徒不足與夫人為程品也。闖葺，衆賤之稱也。闖音吐臘。

反葺音人勇反。方時隆盛，年夭傷兮。師古曰：傷合韻音式，向反。弟子增欷

洿沫悵兮。應劭曰：弟，夫人弟兄也。子昌邑王也。孟康曰：言涕淚交集，覆面下也。師古曰：沫音水，沫面之沫也。洿音烏，洿下也。沫音呼，內反。字從午，未之未也。

悲愁於邑，喧不可止兮。師古曰：朝鮮之間，謂小兒嚮泣不止，名為喧。喧音許遠反。嚮

也。

也。

也。

也。

也。

也。

也。

不虛應亦云已今師古曰嚮讀曰響響之隨聲必當

知之是嫫嫫太息嘆稚子今孟康曰夫人蒙被歔歔

也晉灼曰三輔謂憂愁面省瘦曰嫫嫫嫫嫫不言倚

所恃兮孟康曰恃平日之恩知上必感念之也師古曰嫫嫫音栗

者不誓豈約親兮如淳曰仁者之行惠尚一不以爲

既往不來申以信兮師古曰死者一往不返情念酷

信合韻去彼昭昭就冥冥兮既下新宮不復故庭兮

音新嗚呼哀哉想魂靈兮其後

李延年弟季坐女亂後宮廣利降匈奴家族滅矣

孝武鉞趙婕妤昭帝母也家在河間武帝巡狩過

隆按史記褚少孫傳鉞七獨詳武帝讀責一節

又按望氣者言與手即時伸皆暗應命字

河間望氣者言此有奇女天子亟使使召之既至女

兩手皆拳上自披之手即時伸由是得幸號曰拳夫

人先是其父坐法官刑爲中黃門死長安葬雍門師古

曰雍門在長安西北孝里西拳夫人進爲婕妤居鉞

弋宮師古曰黃圖鉞弋宮在城外大有寵元始三年

生昭帝號鉞弋子任身十四月迺生上曰聞昔堯十

四月而生今鉞弋亦然迺命其所生門曰堯母門後

衛太子敗而燕王旦廣陵王胥多過失寵姬王夫人

男齊懷王李夫人男昌邑哀王皆蚤薨鉞弋子年五

司馬光曰當是時也皇后太子皆無恙而命鉞弋之門曰堯母非名也是以姦臣逆探上意知其奇愛少子欲以爲嗣遂有危皇后太子之心卒成巫蠱之禍悲夫

茅坤曰不如史記原文甚悉可為悲涕
胡寅曰鈞弋夫人不聞其過以預防淫亂而殺之過矣

愛之心欲立焉以其年穉母少恐女主顛恣亂國家猶與久之師古曰與讀曰豫鈞弋捷仔從幸甘泉有過見譴以憂死因葬雲陽師古曰在甘泉宮南今土俗人嘯為女陵後上疾病乃立鈞弋子為皇太子拜奉車都尉霍光為大司馬大將軍輔少主明日帝崩昭帝即位追尊鈞弋捷仔為皇太后發卒二萬人起雲陵邑三千戶追尊外祖趙父為順成侯詔右扶風置園邑二百家長丞奉守如法順成侯有姊君姁賜錢二百萬奴婢第宅以充實焉諸昆弟各以親疏受賞賜趙氏無在位者唯趙父追封

孝昭上官皇后祖父桀隴西上邽人也少時為羽林期門郎從武帝上甘泉天大風車不得行解蓋授桀桀奉蓋雖風常屬車師古曰屬連也雨下蓋輒御上奇其材力遷未央廡令上嘗體不安及愈見馬馬多瘦上大怒令以我不復見馬邪欲下吏桀頓首曰臣聞聖體不安日夜憂懼意誠不在馬言未卒泣數行下上以為忠由是親近為侍中稍遷至太僕武帝疾病以霍光為大將軍太僕桀為左將軍皆受遺詔輔少主以前捕斬反者莽通功封桀為安陽侯初桀子安取霍光女結婚相親光每休沐出桀常代光入決事昭帝

茅坤曰漢書閨
闈之法如此即
平陽公主之私
董偃故事也

始立年八歲帝長姊鄂邑蓋長公主居禁中共養帝
蓋主私近子客河間丁外人師古曰子客子之賓上
容也外人其名也
與大將軍聞之不絕主驩有詔外人侍長主長主內
周陽氏女令配耦帝時上官安有女即霍光外孫安
因光欲內之光以為尚幼不聽安素與丁外人善說
外人曰聞長主內女安子容貌端正誠因長主時得
入為后師古曰以
時得入以臣父子在朝而有椒房之重師
古曰椒房殿名在未
央宮皇后所居成之在於足下漢家故事常以列
侯尚主足下何憂不封侯乎外人喜言於長主長主
以為然詔召安女入為婕妤安為騎都尉月餘遂立

隆按年甫六歲
應上尚幼句

為皇后年甫六歲安以后父封桑樂侯食邑千五百
戶遷車騎將軍日以驕淫受賜殿中出對賓客言與
我婿飲大樂見其服飾使人歸欲自燒物安醉則裸
行內與後母及父諸良人侍御皆亂師古曰良人謂
妾也侍御則兼
婢子病死仰而罵天數守大將軍光為丁外人求侯
矣師古曰守
求請之及桀欲安官祿外人光執正皆不聽又桀
妻父所幸充國為太醫監闌入殿中下獄當死冬月
且盡蓋主為充國入馬二十匹贖罪迺得減死論於
是桀安父子深怨光而重德蓋主知燕王旦帝兄不
得立亦然望桀安即記光過失于燕王令上書告之

隆按連書不聽
不許見光執正
而築等謀殺所
由起云

茅坤曰靡字當
作麀字讀

又為丁外人求侯燕王大喜。上書稱子路喪姊暮而
不除。孔子非之。子路曰由不幸寡兄弟不忍除之。師古曰

曰事見禮記由子路之名故曰觀過知仁。師古曰引此言者謂子路厚於骨肉雖違禮制

是其仁愛今臣與陛下獨有長公主為姊。陛下幸使丁外

人侍之外人宜蒙爵號。書奏。上以問光。光執不許。及

告光罪過。上又疑之。愈親光而疏桀安。桀安寢恚。師古

曰寢漸也遂結黨與謀殺光。誘徵燕王至而誅之。因廢帝

而立桀。或曰當如皇后何。安曰。逐糜之狗。當顧菟邪。

師古曰言所求者大不顧小也且用皇后為尊。一旦人主意有所移。

雖欲為家人亦不可得。師古曰家人言凡庶匹夫此百世之一時

也。事發覺。燕王蓋主皆自殺。語在霍光傳。桀安宗族

既滅。皇后以年少不與謀。亦光外孫。故得不廢。皇后

母前死。葬茂陵郭東。追尊曰敬夫人。置園邑二百家。

長丞奉守如法。皇后自使私奴婢守桀安冢。師古曰廟記云

上官桀安冢並在霍光冢東光欲皇后擅寵有子。帝時體不安。左

右及醫皆阿意。言宜禁內。雖宮人使令皆為窮絝。多

其帶。服虔曰窮絝有前後當不得交通也師古曰使令所使之人也絝古袴字也窮絝即今之緹襠

袴也令音力征反後宮莫有進者。皇后立十歲而昭帝崩。后

年十四五云。昌邑王賀徵即位。尊皇后為皇太后。光

與太后共廢王賀立孝宣帝。宣帝即位為太皇太后。

劉敞曰元帝尊
上官為太皇太

凡立四十七年年五十二建昭二年崩合葬平陵

衛太子史良娣宣帝祖母也太子有妃有良娣有孺

子妻妾凡三等子皆稱皇孫史良娣家本魯國有母

貞君兄恭以元鼎四年入為良娣生男進號史皇孫

師古曰進者皇孫之名武帝末巫蠱事起衛太子及良娣史皇

孫皆遭害史皇孫有一男號皇曾孫時生數月猶坐

太子繫獄積五歲乃遭赦治獄使者邴吉憐皇曾孫

無所歸載以付史恭恭母貞君年老見孫孤甚哀之

自養視焉後曾孫收養於掖庭遂登至尊位是為宣

帝而貞君及恭已死恭三子皆以舊恩封長子高為

樂陵侯曾為將陵侯玄為平臺侯及高子丹以功德

封武陽侯侯者凡四人高至大司馬車騎將軍丹左

將軍自有傳

史皇孫王夫人宣帝母也名翁須太始中得幸於史

皇孫皇孫妻妾無號位皆稱家人子征和二年生宣

帝帝生數月衛太子皇孫敗家人子皆坐誅莫有收

葬者唯宣帝得全即尊位後追尊母王夫人諡曰悼

后祖母史良娣曰戾后皆改葬起園邑長丞奉守語

在戾太子傳地節三年求得外祖母王媪媪男無故

無故弟武皆隨使者詣闕時乘黃牛車故百姓謂之

隆按王夫人傳叙求外祖母王媪一節摹寫母子相失相隨之狀如見

茅坤曰序王姬
微時不厭零碎

黃牛媪初上即位數遣使者求外家久遠多似類而
非是既得王媪令太中大夫任宣與丞相御史屬雜
考問鄉里識知者皆曰王媪媪言名妾人家本涿郡
蠡吾平鄉年十四嫁為同鄉王更得妻更得死嫁為
廣望王迺始婦師古曰廣望亦涿郡之縣產子男無故武女翁須
翁須年八九歲時寄居廣望節侯子劉仲卿宅仲卿
謂迺始曰予我翁須自養長之媪為翁須作縑單衣
師古曰縑即今之絹也音兼送仲卿家仲卿教翁須歌舞往來歸
取冬夏衣居四五歲翁須來言邯鄲賈長兒求歌舞
者仲卿欲以我與之媪即與翁須逃走之平鄉仲卿

載迺始共求媪媪惶急將翁須歸曰兒居君家非受
一錢也師古曰言不常得其聘幣奈何欲予它人仲卿詐曰不也

後數日翁須乘長兒車馬過門呼曰我果見行當之
柳宿蘇林曰聚邑名也在中山盧奴東北三十里媪與迺始之柳宿見翁

須相對涕泣謂曰我欲為汝自言師古曰言自訟理不肯行翁須
曰毋置之師古曰置之猶言任聽之不須自言何家不可以居師古曰言所去處皆可

自言無益也媪與迺始還求錢用隨逐至中
山盧奴見翁須與歌舞等比五人同處師古曰比音必寐反媪

與翁須共宿明日迺始留視翁須媪還求錢欲隨至
邯鄲媪歸糶買未具迺始來歸曰翁須已去我無錢

隆按求錢用隨
求錢欲隨無錢
用二隨字意味

隆按辭皆駢掉
后母明白與上
似類而非是句
相顧

用隨也。因絕至今不聞。其問賈長兒妻貞及從者師
遂辭。師古曰往二十歲太子舍人侯明從長安來求
歌舞者。請翁須等五人。長兒使遂送至長安。皆入太
子家。及廣望三老更始劉仲卿妻其等四十五人。辭
皆驗。師古曰其者
仲卿妻之名宣奏王媪悼后母明白。上皆召見
賜無故武爵關內侯。旬月間賞賜以鉅萬計。頃之制
詔御史賜外祖母號為博平君。以博平蠡吾兩縣戶
萬一千為湯沐邑。封舅無故為平昌侯。武為樂昌侯。
食邑各六千戶。初廼始以本始四年病死。後三歲家
廼富貴。追賜諡曰思成侯。詔涿郡治冢室。置園邑四

百家。長丞奉守如法。歲餘博平君薨。諡曰思成夫人。

詔徙思成侯合葬奉明。顧成廟南。置園邑長丞。

師古曰
日本

號廣明故侯太子傳云皇孫及上夫人皆
葬廣明其後以置園邑奉守改曰奉明

罷涿郡思

成園。王氏侯者二人。無故子接為大司馬車騎將軍。

而武子商至丞相自有傳。

孝宣許皇后元帝母也。父廣漢昌邑人。少時為昌邑

王郎。從武帝上甘泉。誤取它郎輦。以被其馬。發覺吏

劾從行而盜當死。有詔募下蠶室。

孟康曰死罪囚
欲就言者聽之後

為宦者丞。上官桀謀反時。廣漢部索。

師古曰部分
搜索罪人也其

殿中廬有索長數尺。可以縛人者數千枚。滿一篋。緘

封師古曰殷中廬桀所止宿廬舍在宮中者也緘束篋也音工咸反廣漢索不得它

吏往得之師古曰須得此繩索者用為桀之反具廣漢坐論為鬼薪輸

掖庭後為暴室齊夫時宣帝養於掖庭號皇曾孫與

廣漢同寺居時掖庭令張賀本衛太子家吏及太子

敗賀坐下刑以舊恩養視皇曾孫甚厚及曾孫壯大

賀欲以女孫妻之是時昭帝始冠長八尺二寸賀弟

安世為右將軍與霍將軍同心輔政聞賀稱譽皇曾

孫欲妻以女安世怒曰曾孫適衛太子後也幸得以

庶人衣食縣官足矣勿復言子女事於是賀止時許

廣漢有女平君年十四五當為內者令歐侯氏子婦

隆按卜相當大貴暗應序中命字

師古曰歐侯姓臨當入歐侯氏子死其母將行卜相也歐音烏溝反當大貴母獨喜賀聞許齊夫有女迺置酒請之酒酣

為言曾孫體近下人乃關內侯師古曰言曾孫之身於帝為近親縱其人

材下劣尚作關內侯師古曰廣漢之妻不欲與曾孫廣漢重令為介師古曰更令人作媒而結婚姻重音直用

遂與曾孫一歲生元帝數月曾孫立為帝平君為

捷仔是時霍將軍有小女與皇太后有親公卿議更

立皇后皆心儀霍將軍女晉灼曰儀向也亦未有言上乃詔

求微時故劔大臣知指白立許捷仔為皇后既立霍

光以後父廣漢刑人不宜君國歲餘乃封為昌成君

隆按曰公卿心儀則霍氏謀立后可知曰大臣知指則宣帝不得明言之情已見且既立矣而光猶謂后父不宜君國至歲餘

而始封為君
此豈宣帝心哉
史氏謂霍氏禍
萌驂乘子獨以
為立后一節霍
氏禍根也他日
弑后之事光雖
不前知亦焉得
辭其罪哉

霍光夫人顯欲貴其小女道無從師古曰從因也由也無由得內其女

明年許皇后當娠病女醫淳手衍者霍氏所愛嘗入

宮侍皇后疾衍夫賞為掖庭戶衛謂衍可過辭霍夫

人行師古曰過辭夫為人乃行入宮也為我求安池監衍如言報顯顯

因生心辟左右師古曰辟音字謂衍少夫幸報我以

事如淳曰稱衍字曰少夫親之也我亦欲報少夫可

乎晉灼曰報少夫衍曰夫人所言何等不可者顯曰

將軍素愛小女成君欲奇貴之願以累少夫師古曰累託也

衍曰何謂邪顯曰婦人免乳大故十死一生師古曰免乳為

也產于也大故大事也乳音人喻反今皇后當免身可因投毒藥去也

師古曰去謂除去皇后也音丘呂反成君即得為皇后矣如蒙力事成

富貴與少夫共之衍曰藥雜治當先嘗安可師古曰與眾醫

共雜治之人有先嘗者何可行毒顯曰在少夫為之耳將軍領天下

誰敢言者緩急相護但恐少夫無意耳衍良久曰願

盡力即擣附子齋入長定宮皇后免身後衍取附子

并合大醫大丸以飲皇后晉灼曰大丸今澤蘭丸之屬有頃曰我

頭岑岑也藥中得無有毒師古曰岑岑痺悶之意對曰無有遂

加煩滿崩師古曰滿音衍出過見顯相勞問師古曰勞音來

到亦未敢重謝衍後人有上書告諸醫侍疾無狀者

皆收繫詔獄劾不道顯恐事急即以狀具語光因曰

皆收繫詔獄劾不道顯恐事急即以狀具語光因曰

既失計爲之無令吏急行光驚愕默然不應其後奏
上署衍勿論李奇曰光題其奏也師古曰言許后立
三年而崩諡曰恭哀皇后葬杜南是爲杜陵南園後
五年立皇太子迺封太子外祖父昌成君廣漢爲平
恩侯位特進後四年復封廣漢兩弟舜爲博望侯延
壽爲樂成侯許氏侯者凡三人廣漢薨諡曰戴侯無
子絕葬南園旁置邑三百家長丞奉守如法宣帝以
延壽爲大司馬車騎將軍輔政元帝即位復封延壽
中子嘉爲平恩侯奉戴侯後亦爲大司馬車騎將軍
孝宣霍皇后大司馬大將軍博陸侯光女也母顯既

隆按追提許后
事與霍后比並
形容史氏蓋深
惜之

茅坤曰后之陰
賊乃如此

使淳于衍陰殺許后顯因爲成君衣補師古曰謂縫
作嫁時衣被
也爲音治入宮具勸光內之果立爲皇后初許后起
微賤登至尊日淺從官車服甚節儉五日一朝皇太
后於長樂宮親奉案上食以婦道共養及霍后立亦
修許后故事而皇太后親霍后之姊子故常竦體敬
而禮之皇后輦駕侍從甚盛賞賜官屬以千萬計與
許后時縣絕矣上亦寵之顯房燕立三歲而光薨後
一歲上立許后男爲太子昌成君者爲平恩侯顯怒
恚不食歐血曰此乃民間時子安得立即后有子反
爲王邪復教皇后令毒太子皇后數召太子賜食保

王維禎曰叙立王后止以謹慎

阿輒先嘗之。后挾毒不得行。後殺許后事頗泄。顯遂與諸壻昆弟謀反。發覺皆誅滅。使有司賜皇后策曰：皇后熒惑失道，懷不德，挾毒與母博陸宣成侯夫人，顯謀欲危太子，無人母之恩，不宜奉宗廟衣服，不可以承天命。烏呼傷哉！其退避宮。上璽綬有司。霍后立五年，廢處昭臺宮。師古曰：在林中。後十二歲徙雲林館，迺自殺。葬昆吾亭東。師古曰：昆吾地名在藍由。初，霍光及兄驃騎將軍去病皆自以功伐封侯居位，宣帝以光故封去病孫山、山弟雲皆為列侯。侯者前後四人。孝宣王皇后其先高祖時有功，賜爵關內侯。自沛徙

無字故卒無寵

隆按所當適輒死亦暗應叙中命字

長陵，傳爵至。后父奉光，奉光少時好鬪雞。宣帝在民間，數與奉光會相識。奉光有女年十餘歲，每當適人，所當適輒死，故久不行。及宣帝即位，召入後宮，稍進為婕妤。是時館陶王母華、婕妤及淮陽憲王母張、婕妤、楚孝王母衛、婕妤皆愛幸。霍皇后廢後，上憐許太子蚤失母。師古曰：許后所生，故曰許太子。幾為霍氏所害，於是乃選後宮素謹慎而無子者，遂立王婕妤為皇后。令母養太子，自為后後。希見無寵，封父奉光為邛成侯。立十六年，宣帝崩，元帝即位為皇太后，封太后兄舜為安平侯。後二年，奉光薨，諡曰共侯，葬長門南，置園邑三

漢書卷九十七上
外傳
三十一
百家長承奉守如法。元帝崩，成帝即位為太皇太后。復爵太皇太后弟駿為關內侯，食邑千戶。王氏列侯二人，關內侯一人。舜子章章從弟咸皆至左右將軍。時成帝母亦姓王氏，故世號太皇太后為邛成太后。邛成太后凡立四十九年，年七十餘。永始元年崩，合葬杜陵，稱東園。師古曰：雖同塋兆而別為墳。王后陵次宣帝陵東，故曰東園也。奉光孫勳坐法免。元始中，成帝太后下詔曰：孝宣王皇后朕之姑，深念奉質共修之義，恩結于心。師古曰：質，讀曰贄。惟邛成共侯國廢祀絕，朕甚閔焉。其封共侯曾孫堅固為邛成侯。至王莽乃絕。漢書評林卷九十七上

終

